

**La prime distribuzion martars ai 3 di Avrîl a palaç Flori  
IL FURLAN AL CIMIE DAÛR  
DES VETRINIS DAI AMBIENTS  
Al rive il “smile” made in Friuli par ingolosî  
l’ûs de “marilenghe”**

Al rive il “smile” made in Friuli che, a scomençâ dal mêis che al ven, lu viodarî su lis vetrinis dai environments o tacât su machinis, su russacs, su cascs di moto e al darà une cimiade ae int declarant, fasint di voli, “Jo o feveli furlan”. Cun cheste imagiine, stampade intun adesîf colorât, cuntune musute che cun simpatie e fâs intindi di fevelâ par furlan, e che e segnale la disponibilitât a fevelâ daurman in marilenghe, il Centri Interdipartimentâl su la culture e la lenghe dal Friûl (Cirf) de Universitât dal Friûl al intint promovî l’ûs de lenghe furlane tai environments, tai eserciziis comerciâi e fra i zovins. L’adesîf al è realizât in dôs dimensions, une pes vetrinis dai environments e une plui piçule par un ûs plui informâl di aplicâ su diviers imprescj e materiâi.

Il gadget al sarâ dât fûr **martars ai 3 di Avrîl** in ocasion de ricorence de Fieste de Patrie dal Friûl, **tal contest de taule Taronde “Studiâ pal Friûl ”aes 14.30 te sale Florio di Palaç Florio, in vie Palladio 8 a Udin**. Daspò, i “smile” a podaran jessi mandâts o ritirâts a gratis contatant il Cirf in vie T. Petracco 6 a Udin telefon 0432 556480, e-mail [cirf@uniud.it](mailto:cirf@uniud.it)

«Il “smile” adesîf – e spieghe la coordenadore dal progjet, Priscilla De Agostini, dal Cirf – al permet di ricognossisi daurman come “fevelants” e al fâs nassi un clime favorevul ae lenghe dal environment, in mût di ingolosî e di stimolâ lis personis a sielzi come prin contat comunicatîf la lenghe mari ancje dentri dai environments e dai eserciziis publics». «Cun cheste gnove azion di promovion de lenghe furlane – e zonte la direttore dal Cirf, Piera Rizzolatti -, inmaneade in grazie dai fonts de leç 492/99 su la tutele des minorancis linguistichis storichis, l’Ateneu furlan, e massime il Cirf, a confermin il lôr impegn a pro de cressite e dal disvilup de lenghe e de culture dal Friûl».